

LUTRIJA BOSNE I HERCEGOVINE d.o.o
NADZORNI ODBOR

Na osnovu člana 22. i člana 30. Zakona o igrama na sreću (“Službene novine FBiH”, broj 48/15 i 60/15) i člana 22. Statuta Lutrije Bosne i Hercegovine d.o.o. Sarajevo (“Službene novine FBiH”, broj 95/15), Nadzorni odbor Lutrije Bosne i Hercegovine na sjednici održanoj dana 29.03.2017. godine, donio je

P R A V I L A
IGARA NA SREĆU TV TOMBOLA BINGO, BINGO PLUS
I BINGO JOKER

1.OPŠTE ODREDBE

Član 1.

Ovim pravilima reguliše se: naziv i sjedište Priređivača, naziv, vrijeme trajanja i područje primjene igara; uslovi za učestvovanje u igrama na sreću; pojedinačna cijena igara; ukupna vrijednost uplate pojedinih kola igara; fondovi dobitaka, visina fonda dobitaka i vrste dobitaka; opis pomoćnog listića, potvrde i sadržaj SMS poruka; uplata putem SMS-a; način, postupak i nadzor izvlačenja, odnosno utvrđivanja dobitaka; način objavljivanja iznosa uplate, osnovica za utvrđivanje fondova dobitaka, fonda dobitaka i rezultata igre; privremeni izvještaj, prigovori, konačan izvještaj; način i rok isplate dobitaka; način upoznavanja igrača sa ovim pravilima; postupak u slučaju otkazivanja izvlačenja; krajnji rok uplate za učestvovanje u igrama; porez na dobitke i prijelazne i završne odredbe.

Član 2.

TV Tombola Bingo, Bingo Plus i Bingo Joker su klasične igre na sreću u kojima učestvuje veći broj učesnika sa namjerom da budu jedini ili djelimični dobitnici unaprijed definisanog fonda dobitaka i u kojima se izvlačenje brojeva obavlja putem bubnja.

Član 3.

Ova pravila predstavljaju osnov za zaključivanje ugovora o učestvovanju u igri TV Tombola Bingo, Bingo Plus i Bingo Joker.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo, kao Priređivača (u daljem tekstu: Priređivač) i učesnika u igri kao igrača, prihvatanjem opštih uslova propisanih ovim pravilima, po slobodno izraženoj volji igrača, činom uplate igre na sreću.

Uplata u igrama na sreću se dokazuje posjedovanjem potvrde o uplati ili SMS poruke sa naplatnim kodom.

Član 4.

Za obaveze prema prema igračima, u skladu sa odredbama ovih pravila odgovara Priređivač svim svojim sredstvima.

Za isplatu dobitaka iz stava 1. ovog člana, u skladu sa članom 15. Zakona o igrama na sreću jamči Federacija Bosne i Hercegovine.

2.NAZIV I SJEDIŠTE PRIREĐIVAČA

Član 5.

Priređivač igara na sreću TV Tombola Bingo, Bingo Plus i Bingo Joker je Lutrija Bosne i Hercegovine d.o.o. Sarajevo sa sjedištem u Sarajevu, ul. Mehmeda Spahe broj 11, registovana kod nadležnog suda, čija je djelatnost priređivanje svih vrsta igara na sreću.

3.NAZIV, VRIJEME TRAJANJA I PODRUČJE PRIMJENE IGARA

Član 6.

Igre TV Tombola Bingo, Bingo Plus i Bingo Joker priređuje se tokom cijele godine po kolima. Redovna kola se održavaju jednom sedmično i to petkom, a vanredna kola u skladu sa odlukom direktora Lutrije Bosne i Hercegovine (u daljem tekstu: direktor) i to na području Federacije Bosne i Hercegovine i Brčko Distrikta.

4.TV TOMBOLA BINGO

Član 7.

TV Tombola Bingo je brojčana igra sa izvlačenjem brojeva, od 1 do 90, putem bubnja, u kojoj se unaprijed utvrđuje visina fonda dobitaka i njegova raspodjela.

Član 8.

Uplate za igru TV Tombola Bingo primaju se putem on-line sistema upotrebom pomoćnih listića i SMS poruka.

Načini ispisa kombinacija brojeva, odnosno otiska drugih podataka na potvrdi pobje su uređeni članom 51., 52. i 54. ovih pravila.

Član 9.

Izvlačenje brojeva obavlja se putem bubnja u kojoj je smješteno 90 kuglica s ispisanim brojevima, od broja 1 do broja 90.

4.1. Uslovi za učestvovanje u igri TV Tombola Bingo

Član 10.

U igri TV Tombola Bingo učestvuju samo kombinacije brojeva koje su ispisane na potvrdama o uplati (u daljem tekstu: potvrda).

Ako postoje neslaganja između kombinacija ispisanih na pomoćnom listiću i potvrdi, važi isključivo zapis ispisani na potvrdi.

Član 11.

Igrač učestvuje u onom kolu igre TV Tombola Bingo za koje je izvršena uplata, saglasno sa ovim pravilima.

Član 12.

Dokaz za učestvovanje u igri TV Tombola Bingo kod on-line sistema isključivo je potvrda ili SMS poruka sa naplatnim kodom (KOD 2).

Član 13.

Uplata on-line sistemom počinje očitavanjem pomoćnog listića, a završava izdavanjem potvrde.

Uplata putem SMS poruke regulisana je ovim pravilima.

Član 14.

Nakon izvršene uplate, igraču se izdaje potvrda koja mora sadržavati sve podatke navedene u ovim pravilima.

Član 15.

Potvrde koje nemaju podatke određene u ovim pravilima su nevažeće.

Igrač u igri TV Tombola Bingo dužan je pri uplati provjeriti ispravnost potvrde u skladu sa članom 52. ovih pravila.

U protivnom, naknadni prigovori se ne uvažavaju.

4.2. Pojedinačna cijena igre

Član 16.

Cijena uplate listića sa tri kombinacije redovnog kola TV Tombole Bingo iznosi 1,75 KM, a za vanredno kolo cijena iznosi 2,25 KM.

4.3. Ukupna vrijednost uplate pojedinog kola igre TV Tombola Bingo

Član 17.

Uplatu pojedinog kola igre TV Tombola Bingo čini iznos primljenih uplata za učestvovanje u pripadajućem kolu igre TV Tombola Bingo.

Nakon zaključenja uplate TV Tombola Bingo, a prije izvlačenja brojeva određenog kola igre TV Tombola Bingo, snimak uplata na DVD-u pohranjuje se u trezor Komisije za utvrđivanje dobitaka.

Osnovica za utvrđivanje fonda dobitaka

Član 18.

Osnovica za utvrđivanje fonda dobitaka u klasičnim igrama na sreću TV Tombola Bingo, Bingo Plus i Bingo Joker utvrđuje se od iznosa uplate, koju čini ukupna vrijednost uplate za učestvovanje u svakoj pojedinoj igri na sreću umanjenu za iznos od 10% na ime naknade za priređivanje igre koja se uplaćuje u budžet FBiH.

4.4. Visina fonda dobitaka i vrste dobitaka

Član 19.

Fond dobitaka u pojedinom kolu igre TV Tombola Bingo čini iznos od 63% osnovice utvrđene u članu 18. ovih pravila.

Iznos fonda dobitaka za pojedino kolo igre TV Tombole Bingo mora biti objavljen prije početka TV izvlačenja brojeva.

U igri TV Tombola Bingo postoji šest vrsta dobitaka i to:

- dobitak prve vrste - JackPot ili Bingo;
- dobitak druge vrste - deset pogodaka;
- dobitak treće vrste - pet pogodaka;
- dobitak četvrte vrste - četrnaest pogodaka, koji nisu ostvarili deseterac;
- dobici u igri igrač-gost „Šansa više,, i
- grupni dobitak za učesnike u studiju.

Član 20.

Fond dobitaka se dijeli na:

- Fond za igru igrač-gost, u fiksnom iznosu od 2.000,00 KM. Razlika do ukupne vrijednosti ostvarenih dobitaka tekućeg kola u igri igrač-gost namirit će se iz fonda neisplaćenih dobitaka.
- Grupni dobitak za učesnike u studiju u iznosu od 5.000,00 KM do 10.000,00 KM.
- Fond dobitaka sa 14 pogodaka, u fiksnom iznosu od 2.500,00 KM.

Ostatak fonda se dijeli kako slijedi:

- Bingo47%.
- Deset pogodaka16%.
- Pet pogodaka37%.

Iznos fonda dobitaka, za svaku vrstu dobitaka, se dijeli na jednake iznose, kako bi se utvrdila pojedinačna vrijednost dobitaka, zavisno o ukupnom broju dobitaka te vrste.

Priredivač garantuje dobitak od pet pogodaka u minimalnom iznosu od 4,00 KM. Priredivač može iznos razlike nadoknaditi iz fonda neisplaćenih dobitaka, odlukom direktora.

U slučaju kada akumulirani JackPot u TV Tomboli Bingo pređe iznos od 1.000.000,00 KM, dio akumuliranog JackPota se može koristiti za uvećanje fonda dobitaka tekućeg kola.

Odluku o raspodjeli dobitaka u igri TV Tombola Bingo na način naveden u prethodnom stavu ovog člana donosi Nadzorni odbor Lutrije BiH, na prijedlog direktora.

Dobitak prve vrste-JackPot ili Bingo

Član 21.

Ako je na jednoj od tri kombinacije ispisanog na potvrdi o uplati pogođeno svih petnaest do tada izvučenih brojeva, počevši od:

- 15-tog (petnaestog) izvučenog broja do zaključno sa 33-im (tridesettrećim) izvučenim brojem dobitak je JackPot;
- 34-tog (tridesetčetvrtog) izvučenog broja, do kraja izvlačenja, dobitak je 70% fonda Bingo tekućeg kola (u daljem tekstu: Bingo 34+), a ostalih 30% se akumulira u fond za JackPot.

U slučaju kada akumulirani JackPot pređe iznos od 1.000.000,00 KM, dobitak Bingo 34+ čini 90% fonda dobitaka Bingo tekućeg kola, a ostatak od 10% se akumulira u fond za JackPot.

Dobitak druge vrste-10 pogodaka

Dobitak druge vrste-deset pogodaka, ostvaruje se zaključno sa 33-im (tridesettrećim) izvučenim brojem, ako je pogođeno svih deset brojeva u bilo koja dva reda jedne kombinacije ispisanog na potvrdi.

Ako se do 33-eg (tridesettrećeg) izvučenog broja ne ostvari dobitak druge vrste, fond dobitaka druge vrste se prenosi u fond dobitaka treće vrste.

Dobitak treće vrste-5 pogodaka

Dobitak treće vrste-pet pogodaka, ostvaruje se zaključno sa 33-im (tridesettrećim) izvučenim brojem, ako je pogođeno svih pet brojeva u bilo kojem redu jedne kombinacije ispisanog na potvrdi.

Dobitak četvrte vrste-14 pogodaka

Dobitak 14 pogodaka utvrđuje se kada se ostvari Bingo i svi igrači koji imaju 14 pogođenih brojeva, a nisu ostvarili deseterac, dobijaju po 100,00 KM.

Sredstva za ove dobitke izdvajaju se iz formiranog fonda odnosno kola u iznosu od 2.500,00 KM, a ukoliko je taj iznos nedovoljan, razlika se namiruje iz fonda neisplaćenih dobitaka.

Grupni dobitak za učesnike u studiju

Direktor utvrđuje odlukom učesnike u studiju.

Predstavnici svih učesnika u studiju koji prisustvuju javnom izvlačenju igre TV Tombola Bingo učestvuju u igri „Strugalica“ putem koje ostvaruju grupni dobitak za društvo koje predstavljaju. Igra „Strugalica“ se priređuje putem panoa (Strugalice) na kojem se nalazi 6 polja u kojima su ispisan fiksni dobitci u iznosima od 5.000,00 KM; 6.000,00 KM; 7.000,00 KM; 8.000,00 KM; 9.000,00 KM i 10.000,00 KM. Svi navedeni novčani iznosi su nasumično poredani, prekriveni zaštitnom Scratch-off emulzijom i označeni sa brojevima od 1 do 6.

Predstavnik učesnika u studiju u ovoj igri učestvuje tako što odabere jedan od šest ponuđenih brojeva i saopšti ga voditelju emisije. Nakon što se skidanjem zaštitne scratch-off emulzije utvrdi tačan novčani iznos koji je prikriven ispod tog polja voditelj igraču nudi opciju da li prihvata taj iznos, ili ga odbija i želi da otkrije još jedno polje.

U slučaju da igrač prihvati novčani iznos koji se otkrije nakon skidanja emulzije sa polja ispod prvog otkrivenog broja, tada taj novčani iznos predstavlja konačni dobitak.

U slučaju da igrač odbije da prihvati novčani iznos sa polja koji je već otkrio, tada otkriveni iznos sa drugog polja predstavlja konačni dobitak.

Član 22.

Priredivač garantuje JackPot u iznosu od 300.000,00 KM.

Iznos iz stava 1. ovog člana se može mjenjati odlukom direktora.

Ako se dobitak JackPot ne ostvari, a ostvaren je dobitak Bingo 34+, neostvareni dio fonda dobitaka Binga tekućeg kola pridodaje se i akumulira isključivo u fond JackPota.

Član 23.

Ako se JackPot ostvari počevši od 15.(petnaestog) izvučenog broja do zaključno 33(tridesettrećeg) izvučenog broja, izvlačenje se završava i utvrđuju se dobici prve, druge i treće vrste.

Ako se JackPot ne ostvari zaključno sa 33 (tridesettrećim) izvučenim brojem, tada se zaključuje broj dobitaka druge i treće vrste.

Izvlačenje se nastavlja dok se ne ostvari dobitak prve vrste kako slijedi:

- Bingo 34+, počevši od 34-tog (tridesetčetvrtog) izvučenog broja do ostvarenja tog dobitka.

4.5. Zadnje redovno kolo TV Tombola Bingo, Bingo Plus i Bingo Joker u mjesecu

Član 24.

Svako mjeseca u zadnjem redovnom kolu TV Tombola Bingo, kompletan fond dobitaka tog kola će biti podjeljen igračima, a izvlačenje će se završiti sa 33. izvučenim brojem.

Direktor donosi Odluku o nazivu i načinu priređivanja i eventualnim dodatnim dobitcima zadnjeg kola u mjesecu.

4.6. Učešće u igri igrač-gost „Šansa više“

Član 25.

Svi imaoци potvrde TV Tombola Bingo mogu učestvovati u igri igrač-gost “Šansa više” (u daljem tekstu: SMS igrač), putem SMS poruke, na način da u poruci, upućenoj na predviđeni broj telefona Lutrije BiH, bude ispisan serijski broj pomoćnog listića ispisan na potvrdi o uplaćenju TV Tomboli Bingo za tekuće kolo. Putem poruke se može ispisati samo jedan broj potvrde.

Izvlačenje dobitnika ove igre vrši se slučajnim odabirom 3 (tri) dobitnika u tekućem kolu, koji će učestvovati isključivo u narednoj emisiji TV Tombola Bingo, uz prezentaciju potvrde o uplati.

Ukoliko je SMS igrač došao u studio, a poslije nije u mogućnosti iz bilo kog razloga izvlačiti dobitke, za njega to radi voditelj emisije. Ukoliko voditelj emisije u prvom pokušaju izvuče dobitak od 700,00 KM, voditelj će ponoviti izvlačenje. Dobitak koji bude ostvaren nakon drugog pokušaja voditelja se smatra konačnim. Ukoliko voditelj nakon prvog pokušaja ostvari dobitak veći od 700,00 KM taj dobitak se smatra konačnim. Voditelj emisije bira SMS igrača za naredno kolo ukoliko to igrač nije u mogućnosti da učini.

Ukoliko SMS igrač nije došao u studio dobitak se ne izvlači, voditelj emisije bira SMS igrača za naredno kolo. Ukoliko je ukupna vrijednost izvučenih dobitaka manja od 2.000,00 KM, razlika do navedenog iznosa se prenosi u fond neisplaćenih dobitaka.

Ukoliko SMS igrač ne posjeduje original potvrdu TV Tombole Bingo (zbog gubitka ili uništenja iste), može učestvovati u igri, na osnovu pismenog zahtjeva uz provjeru od strane Odjeljenja EOP-a da je poruka poslana sa broja mobilnog telefona navednog u zahtjevu i izlistanih potvrda o izvršenoj uplati putem SMS.

U TV studiju se nalazi kolo sreće na kojem je ispisano 18 fiksnih dobitaka i to: 1 x 5.000,00 KM, 1 x 3.000,00 KM, 3 x 2.000,00 KM, 4 x 1.000,00 KM, 3 x 900,00 KM, 3 x 800,00 KM i 3 x 700,00 KM.

Redosljed po kojem SMS igrači izvlače dobitke u skladu je sa redosljedom po kojem su izvučeni u prethodnom kolu.

Početno polje svakog od SMS igrača predstavlja polje na kojem je ispisan najveći dobitak u igri, odnosno dobitak od 5.000,00 KM.

Puni krug se smatra kada se kolo sreće zaustavi na početnom polju.

SMS igrač treba da zavrta kolo sreće koje mora obići minimalno dva puna kruga da bi se ostvario dobitak. Nakon završetka igre svakog od SMS igrača, voditelj emisije je dužan da vrati kolo sreće na početno polje, odnosno na polje na kojem je ispisano dobitak od 5.000,00 KM.

Ukoliko se kolo sreće zaustavi prije nego što obiđe dva puna kruga, voditelj emisije je dužan da objasni SMS igraču da se dobitak ostvaruje nakon dva kruga i da vrati kolo sreće na početno polje. U ovom slučaju SMS igrač treba da ponovi igru.

Polje na kojem se kolo zaustavi nakon što obiđe minimalno dva puna kruga predstavlja iznos dobitka kojeg je SMS igrač ostvario. Nakon što se kolo sreće zaustavi, voditelj emisije pita SMS igrača da li želi da zadrži ostvareni dobitak ili želi da rizikuje i da pokuša ponovo. Ukoliko SMS igrač odluči da ponovi svoju igru, kolo sreće se vraća na početno polje, te polje na kojem se kolo sreće zaustavi nakon što obiđe minimalno dva puna kruga predstavlja konačni dobitak SMS igrača.

Ukoliko se strelica koja pokazuje iznos dobitka na kolu sreće zaustavi između dva polja na način da komisija ne može tačno odrediti koji je iznos dobitka SMS igrač ostvario, u tom slučaju SMS igraču se priznaje dobitak u većem iznosu.

Svaki SMS igrač ima mogućnost da ostvari bilo koji od dobitaka koji su ispisani na kolu sreće.

U slučaju da prije početka ili u toku igre "Šansa više" nastane kvar na kolu sreće, igra se nastavlja izvlačenjem dobitaka putem 18 koverata u kojima se nalaze fiksni dobici sa kola sreće. Jednom izvučena koverta se vraća i učestvuje u daljem izvlačenju.

Po završetku igre, SMS igrač bira novog SMS igrača, za naredno kolo i tim činom završava svoju igru.

SMS igrač će se izvlačiti iz baze primljenih SMS poruka za tekuće kolo.

Svi SMS igrači koji uplatu u igri TV Tombola Bingo izvrše putem SMS-a, pošalju SMS za učešće u igri igrač-gost "Šansa više" ili pošalju SMS za Vanredna kola TV Tombole Bingo i budu registrovani u bazi poslanih SMS poruka pristaju na prijem SMS obavještenja od strane Lutrije BiH.

4.7. Vanredna kola igre na sreću TV Tombola Bingo

Član 26.

Direktor donosi Odluku o priređivanju vanrednog kola ove igre na sreću.

Član 27.

Odluka iz člana 26. pravila sadrži: vrijeme prodaje vanrednog kola, cijenu pomoćnog listića sa tri kombinacije, raspodjelu fonda i vrste dobitaka vanrednog kola, vrijeme izvlačenja dobitaka.

5. BINGO PLUS

Član 28.

Igra na sreću Bingo Plus je brojčana igra sa izvlačenjem dobitnog šesterocifrenog broja putem bubnja, u kojoj se unaprijed utvrđuje visina fonda dobitaka i njegova raspodjela.

Uplatom igre na sreću TV Tombola Bingo igrač obavezno uplaćuje i jedan Bingo Plus broj otisnut na pomoćnom listiću.

Pored uplate jednog Bingo Plus broja igrač ima mogućnost uplate još jednog ili dva Bingo Plus broja odabrana putem quick picka po slobodnoj volji.

Ukoliko igrač znakom „X“ ne obilježi ni jedan od brojeva (2,3) pored riječi Bingo Plus, učestvuje u igri Bingo Plus sa jednim brojem i to onim koji je otisnut pored riječi Bingo Plus.

Ukoliko igrač znakom „X“ obilježi broj 2 pored riječi Bingo Plus, učestvuje u igri Bingo Plus sa dva broja: prvim brojem koji je otisnut pored riječi Bingo Plus i drugim brojem kojeg generiše softver slučajnim odabirom (quick pick).

Ukoliko igrač znakom „X“ obilježi broj 3 pored riječi Bingo Plus, učestvuje u igri Bingo Plus sa tri broja: prvim brojem koji je otisnut pored riječi Bingo Plus, te drugim i trećim brojem koje generiše softver slučajnim odabirom (quick pick).

Igrač može i usmeno od prodavača zahtjevati da uplati quick pick Bingo Plus brojeve.

Član 29.

Igračem u igri Bingo Plus smatra se lice koje posjeduje potvrdu pod uslovom da je njen sadržaj zapisan na neizbrisivi optički disk, prije izvlačenja brojeva dobitne kombinacije igre TV Tombola Bingo i igre Bingo Plus, te da su ispisi na potvrdi i zapis na optičkom disku istovjetni.

5.1. Naziv, opis i vrijeme trajanja igre

Član 30.

U igri Bingo Plus pogađa se dobitni šesterocifreni broj pod nazivom "Bingo Plus broj", koji se dobiva izvlačenjem uz pomoć šest bubnjeva na način da se u svakom bubnju nalaze brojevi od 0 do 9.

Član 31.

Igra Bingo Plus priređuje se trajno po kolima, kao dodatna igra uz igru TV Tombola Bingo, u pravilu jednom sedmično, petkom.

Član 32.

Izvlačenje brojeva za igru Bingo Plus obavlja na način da Bingo Plus broj čini šest izvučenih brojeva iz šest bubnjeva i to iz svakog bubnja po jedan broj, a gledajući s lijeva na desno, pri čemu:

- prvi izvučeni broj predstavlja stotohiljaditu Bingo Plus broja;
- drugi izvučeni broj predstavlja desethiljaditu Bingo Plus broja;
- treći izvučeni broj predstavlja hiljadu Bingo Plus broja;
- četvrti izvučeni broj predstavlja stoticu Bingo Plus broja;
- peti izvučeni broj predstavlja desetice Bingo Plus broja;
- šesti izvučeni broj predstavlja jedinicu Bingo Plus broja.

5.2. Uslovi za učešće u igri Bingo Plus

Član 33.

Igrač obavezno uplaćuje na listiću odštampan Bingo Plus broj istovremeno kada igra igru TV Tombola Bingo. Igrač može neobavezno po slobodnoj volji uplatiti još jedan ili dva Bingo Plus broja.

Član 34.

U igri Bingo Plus učestvuju potvrde o uplati igre TV Tombola Bingo, uplaćene za važeće kolo pod uslovom da ista sadrži odštampana jedan, dva, ili tri Bingo Plus broja. Nakon uplate igrač je obavezan provjeriti sadržaj potvrde.

5.3. Pojedinačna cijena igre

Član 35.

Cijena za učešće u igri Bingo Plus iznosi 0,25 KM po svakom odigranom Bingo Plus broju.

5.4. Visina fonda i vrste dobitaka

Član 36.

Fond dobitaka u pojedinom kolu igre Bingo Plus iznosi 63% fonda dobitaka, utvrđenog u skladu sa članom 18. ovih pravila.

Član 37.

U igri Bingo Plus postoji (6) šest vrsta dobitaka koji se ostvaruju u slučaju da je pogođeno 1 ; 2 ; 3 ; 4 ; 5 ; i 6 brojeva, gledajući s desna na lijevo.

Ako u pojedinom kolu igre Bingo Plus nema dobitaka sa 6 pogođenih brojeva, onda se fond za tu vrstu dobitka prenosi u Jackpot Bingo Plus.

Ako u pojedinom kolu igre Bingo Plus nema dobitaka sa 5 pogođenih brojeva, fond za tu vrstu dobitka se djeli u omjeru 50:50 na dobitke sa 3 i 4 pogođena broja.

U slučaju da nema dobitaka sa 4 pogođena broja, fond od ove vrste dobitka se prenosi u fond dobitka sa 3 pogođena broja.

Ukoliko u jednom kolu nisu ostvarni dobitci sa 3; 4; i 5; pogođenih brojeva kompletan iznos fonda za te vrste dobitaka se prenosi u dobitak Jackpot Bingo Plus.

Ukoliko je vrijednost dobitka više vrste niža od vrijednosti dobitka niže vrste, ti fondovi se zbrajaju i dijele sa ukupnim brojem dobitaka više i niže vrste.

Vrste dobitaka su:

- **Bingo Plus 1**

Uplaćene potvrde za učešće u igri Bingo Plus čiji je posljednji jedan broj (broj na jediničnom mjestu) identičan sa brojem na jediničnom mjestu izvučenog Bingo Plus broja (pogođen jedan broj izvučenog Bingo Plus broja gledajući s desna na lijevo) ostvaruju dobitak u fiksnom iznosu od 0,50 KM.

- **Bingo Plus 2**

Uplaćene potvrde za učešće u igri Bingo Plus čija su posljednja dva broja (broj na jediničnom i mjestu desetice) identični sa brojevima na jediničnom mjestu i mjestu desetice izvučenog Bingo Plus broja (pogođena dva broja izvučenog Bingo Plus broja gledajući s desna na lijevo) ostvaruju dobitak u fiksnom iznosu od 2,00 KM.

Nakon utvrđenog broja fiksnih dobitaka sa jedan i dva pogođena broja i iznosa sredstava za njihovu isplatu, koji se oduzima od fonda dobitaka utvrđenog prema članu 36. ovih pravila, ostatak fonda se dijeli na preostale, varijabilne dobitke, u procentima i to:

- **Bingo Plus 3**

Sve uplaćene potvrde za učešće i igri Bingo Plus čija su posljednja tri (3) broja (broj na jediničnom mjestu, mjestu desetice i mjestu stotice) identični sa brojevima na jediničnom mjestu, mjestu desetice i stotice izvučenog Bingo Plus broja (pogođena tri broja izvučenog Bingo Plus broja gledajući s desna na lijevo) ravnopravno učestvuju u podjeli iznosa u visini od 40% od vrijednosti fonda za varijabilne dobitke.

- **Bingo Plus 4**

Sve uplaćene potvrde za učešće u igri Bingo Plus čija su posljednja četiri (4) broja (broj na jediničnom mjestu, mjestu desetice, stotice i mjestu hiljade) identični sa brojevima na jediničnom mjestu, mjestu desetice, stotice i hiljade izvučenog Bingo Plus broja (pogođena četiri broja izvučenog Bingo Plus broja gledajući s desna na lijevo) ravnopravno učestvuju u podjeli iznosa u visini od 27% od vrijednosti fonda za varijabilne dobitke.

- **Bingo Plus 5**

Sve uplaćene potvrde za učešće u igri Bingo Plus čijih su posljednjih pet (5) brojeva (broj na jediničnom mjestu, mjestu desetice, stotice, hiljade i mjestu desethyljadite) identični sa posljednjih pet brojeva izvučenog Bingo Plus broja (pogođeno pet brojeva izvučenog Bingo Plus broja gledajući s desna na lijevo) ravnopravno učestvuju u podjeli iznosa u visini od 8% od vrijednosti fonda za varijabilne dobitke.

- **Bingo Plus 6 (Jack pot)**

Sve uplaćene potvrde za učešće u igri Bingo Plus čijih su svih šest (6) brojeva (broj na jediničnom mjestu, mjestu desetice, stotice, hiljade i mjestu desethyljadite i stohiljadite) identični sa brojevima izvučenog Bingo Plus broja (pogođeno svih šest brojeva izvučenog Bingo Plus broja gledajući s desna na lijevo) ravnopravno učestvuju u podjeli iznosa u visini od 25% od vrijednosti fonda za varijabilne dobitke, uvećanom za vrijednost akumuliranog jack pota.

Član 38.

Iznos pojedinačnog dobitka utvrđuje se tako da se fond dobitaka namjenjen za taj dobitak podijeli sa ukupnim brojem ostvarenih dobitaka.

Na svakom od uplaćenih brojeva može se ostvariti dobitak Bingo Plus broj.

Dobitak više vrste isključuje dobitak niže vrste za svaki pojedinačno uplaćeni Bingo plus broj.

Član 39.

Priredivač može posebnom odlukom direktora garantovati iznos JackPota u igri Bingo Plus (JackPot).

Član 40.

Priredivač može posebnom odlukom direktora odlučiti da se JackPot bezuslovno podijeli u jednom kolu.

O svojoj odluci Priredivač je dužan obavijestiti igrače prije početka odigravanja kola u kojem će JackPot biti podijeljen.

6. JOKER

Član 41.

Igra na sreću Bingo Joker je brojčana igra s izvlačenjem dobitnog petocifrenog broja putem bubnja, u kojoj se unaprijed utvrđuje visina fonda dobitaka i njegova raspodjela.

Uplatom igre TV Bingo 15 od 90, te obilježavanjem znakom „X“ jednog od tri polja (sa oznakom 1,2,3) pored riječi Bingo Joker, ili usmenim zahtjevom za

odigravanje jednog, dva ili tri broja igre Bingo Joker i uplatom Bingo Joker brojeva ispisanih na izdanoj potvrdi.

Ukoliko igrač znakom „X“ obilježi broj 1 pored riječi Bingo Joker, učestvuje u igri Bingo Joker sa brojem koji je otisnut pored riječi Bingo Joker.

Ukoliko igrač znakom „X“ obilježi broj 2 pored riječi Bingo Joker, učestvuje u igri Bingo Joker sa dva broja: prvim brojem koji je otisnut pored riječi Bingo Joker i drugim brojem kojeg generiše softver slučajnim odabirom (quick pick).

Ukoliko igrač znakom „X“ obilježi broj 3 pored riječi Bingo Joker, učestvuje u igri Bingo Joker sa tri broja: prvim brojem koji je otisnut pored riječi Bingo Joker, te drugim i trećim brojem koje generiše softver slučajnim odabirom (quick pick).

Član 42.

Igračem u igri Bingo Joker smatra se lice koje posjeduje potvrdu pod uslovom da je njen sadržaj zapisan na neizbrisivi optički disk, prije izvlačenja brojeva dobitne kombinacije igre TV Tombola Bingo i igre Bingo Joker, te da su ispisi na potvrdi i zapis na optičkom disku istovjetni.

6.1. Naziv, opis i vrijeme trajanja igre

Član 43.

U igri Bingo Joker pogađa se dobitni petocifreni broj pod nazivom Bingo Joker broj, koji se dobiva izvlačenjem po jednog broja iz svakog bubnja. U svakom bubnju nalaze se brojevi od 0 do 9.

Član 44.

Igra Bingo Joker priređuje se trajno po kolima, kao dodatna i neobavezna igra uz igru TV Tombola Bingo i Bingo Plus, u pravilu jednom sedmično, petkom.

Član 45.

Izvlačenje brojeva za igru Bingo Joker obavlja se na način da Bingo Joker broj čini pet izvučenih brojeva iz pet bubnjeva, a gledajući s lijeva na desno, pri čemu:

- prvi izvučeni broj predstavlja desethiljaditu Bingo Joker broja;
- drugi izvučeni broj predstavlja hiljadu Bingo Joker broja;
- treći izvučeni broj predstavlja stoticu Bingo Joker broja;
- četvrti izvučeni broj predstavlja deseticu Bingo Joker broja;
- peti izvučeni broj predstavlja jedinicu Bingo Joker broja.

6.2. Uslovi za učešće u igri Bingo Joker

Član 46.

U igri Bingo Joker učestvuju potvrde o uplati igre TV Tombola Bingo i Bingo Plus, uplaćene za važeće kolo, pod uslovom da ista sadrži odštampana jedan, dva, ili tri Bingo Joker broja. Nakon uplate Bingo Joker broja igrač je obavezan provjeriti sadržaj potvrde.

6.3. Pojedinačna cijena igre

Član 47.

Cijena za učešće u igri Bingo Joker iznosi 1,00 KM po svakom odigranom Bingo Joker broju.

6.4. Visina fonda i vrste dobitaka

Član 48.

Fond dobitaka u igri Bingo Joker iznosi 63% fonda dobitaka ove igre na sreću utvrđenog u skladu sa članom 18. ovih pravila.

Član 49.

U igri Bingo Joker postoji (5) pet vrsta dobitaka koji se ostvaruju u slučaju da je pogodeno 1 ; 2 ; 3 ; 4 ; 5 brojeva gledajući s desna na lijevo i to :

- **Bingo Joker 1**

Uplaćene potvrde za učešće u igri Bingo Joker čiji je posljednji jedan broj (broj na jediničnom mjestu) identičan sa brojem na jediničnom mjestu izvučenog Bingo Joker broja (pogođen jedan broj izvučenog Bingo Joker broja gledajući s desna na lijevo).

- **Bingo Joker 2**

Uplaćene potvrde za učešće u igri Bingo Joker čija su posljednja dva broja (broj na jediničnom i mjestu desetice) identični sa brojevima na jediničnom mjestu i mjestu desetice izvučenog Bingo Joker broja (pogođena dva broja izvučenog Bingo Joker broja gledajući s desna na lijevo).

- **Bingo Joker 3**

Sve uplaćene potvrde za učešće u igri Bingo Joker čija su posljednja tri (3) broja (broj na jediničnom mjestu, mjestu desetice i mjestu stotice) identični sa brojevima na jediničnom mjestu, mjestu desetice i stotice izvučenog Bingo Joker broja (pogođena tri broja izvučenog Bingo Joker broja gledajući s desna na lijevo).

- **Bingo Joker 4**

Sve uplaćene potvrde za učešće u igri Bingo Joker čija su posljednja četiri (4) broja (broj na jediničnom mjestu, mjestu desetice, stotice i mjestu hiljade) identični sa brojevima na jediničnom mjestu, mjestu desetice, stotice i hiljade

izvučenog Bingo Joker broja (pogođena četiri broja izvučenog Bingo Joker broja gledajući s desna na lijevo).

- **Bingo Joker 5**

Sve uplaćene potvrde za učešće u igri Bingo Joker čijih su svih pet (5) brojeva (broj na jediničnom mjestu, mjestu desetice, stotice, hiljade i mjestu desethyljadite) identični sa brojevima izvučenog Bingo Joker broja (pogođeno svih pet brojeva izvučenog Bingo Joker broja gledajući s desna na lijevo).

Fond dobitaka se dijeli na:

- Bingo Joker 5 10%
- Bingo Joker 4 8%
- Bingo Joker 3 17%
- Bingo Joker 2 32%
- Bingo Joker 1 33%

Ako u pojedinom kolu igre Bingo Joker nema dobitaka Bingo Joker 5, kompletan fond za tu vrstu dobitka se dodaje fondu dobitaka Bingo Joker 4.

Ako u pojedinom kolu igre Bingo Joker nema dobitaka Bingo Joker 5 i Bingo Joker 4, ili nema dobitka Bingo Joker 4, fond te vrste dobitka se dijeli u omjeru 50%:50% na dobitke Bingo Joker 3 i Bingo Joker 2.

Ako u pojedinom kolu igre Bingo Joker nema dobitaka Bingo Joker 5, Bingo Joker 4, Bingo Joker 3, ili samo Bingo Joker 4 i Bingo Joker 3, fond te vrste dobitaka se dijeli u omjeru 50%:50% na dobitke Bingo Joker 2 i Bingo Joker 1.

Ukoliko je vrijednost dobitka više vrste niža od vrijednosti dobitka niže vrste, ti fondovi se zbrajaju i dijele sa ukupnim brojem dobitaka više i niže vrste.

Član 50.

Iznos pojedinačnog dobitka utvrđuje se tako da se fond dobitaka namijenjen za taj dobitak podijeli ukupnim brojem ostvarenih dobitaka. Na svakom od uplaćenih brojeva može se ostvariti dobitak Bingo Joker broj.

Dobitak više vrste isključuje dobitak niže vrste za svaki pojedinačno uplaćeni Bingo Joker broj.

7. OPIS POMOĆNOG LISTIĆA, POTVRDE I SADRŽAJ SMS PORUKE ZA IGRU TV TOMBOLA BINGO, BINGO PLUS I BINGO JOKER

Član 51.

Pomoćni listić za igre TV Tombola Bingo, Bingo Plus i Bingo Joker pravougaonog je oblika, dimenzija 140 x 70 mm.

Pomoćni listić se sastoji od lica i naličja.

a) Lice pomoćnog listića

Lice pomoćnog listića za igre TV Tombola Bingo, Bingo Plus i Bingo Joker sadrži tri (3) kombinacije brojeva za igru.

Svaka se kombinacija sastoji od dvadesetsedam (27) polja poredanih u tri jednaka reda u kojima je otisnuto petnaest (15) različitih brojeva od 1 do 90, po pet brojeva u svakom redu i najmanje jednim brojem u svakom od 9 stupaca.

Osim navedenog, na pomoćnom listiću otisnuti su još sljedeći podaci:

- tekst: »TV BINGO«;
- tekst: »Priređivač: Lutrija BiH«;
- sjedište i internet adresa Priređivača;
- broj serije (trocifreni broj);
- redni broj listića (sedmocifreni broj);
- kontrolni broj listića (dvocifreni broj);
- oznaka a ili oznaka b;
- logotip Priređivača;
- tri kombinacije brojeva;
- redni broj kombinacija (jednocifreni broj);
- serijski broj listića sastoji se od broja serije i rednog broja listića i kontrolnog broja;
- otisnuta jedna Bingo Plus kombinacija uz mogućnost odabira druge i treće kombinacije /za dodatnu igru/;
- otisnuta jedna Bingo Joker kombinacija uz mogućnost odabira iste, te druge i treće kombinacije /za dodatnu igru/;
- bar kod za serijski broj;
- slovne oznake /A,B,C,D,E,F / na desnoj strani listića.

b) Naličje pomoćnog listića

Na naličju pomoćnog listića nalazi se prostor za reklamne poruke i obavještenja za igrače.

Potvrda o uplati

Član 52.

Potvrda o uplati, gledajući odozgo prema dole, sadrži ove podatke:

- "Lutrija BiH" d.o.o. /logo i naziv Priređivača/;
- vrijeme upisa na serveru;
- tekst: »POTVRDA O UPLATI«;
- tekst: »TV BINGO«;
- broj važećeg kola, uplatni broj (operativni broj prodavača i redni broj potvrde);
- serijski broj;
- tekst: »KOMBINACIJE«;
- ispis 45 različitih brojeva u tri kombinacije, svaka od 15 brojeva;
- Bingo Plus broj;
- eventualno Joker broj;
- tekst: »Iznos«, iznos u KM;
- eventualno promotivni tekst;
- broj uplatnog mjesta, datum i vrijeme uplate i
- kontrolni kod u brojčanoj i bar kod verziji.

Serijski broj sadrži: broj serije (trocifreni broj), redni broj listića (sedmocifreni broj) i kontrolni broj listića (dvocifreni broj).

Član 53.

U jednom kolu igre TV Tombola Bingo, Bingo Plus i Bingo Joker ne mogu se pojaviti dvije iste kombinacije brojeva na istom listiću.

8. UPLATA PUTEM SMS PORUKE

Član 54.

Igre na sreću TV Tombola Bingo i Bingo Plus mogu uplatiti samo korisnici prepaid usluge putem SMS poruke.

Usluga se realizuje na način da igrač zahtijeva isporuku određenog broja pomoćnih listića slanjem SMS poruke na broj **062-02999** i na broj **063-02999** sa sadržajem RBx za redovna kola TV Tombole Bingo (RB označava redovno Bingo) i VBx za vanredna kola TV Tombole Bingo (VB označava vanredno Bingo) (x označava broj naručenih pomoćnih listića i može biti 1,2,3 ili 4).

U jednoj poruci se ne može tražiti isporuka više od 4 pomoćna listića.

Uplata putem SMS poruke će se bliže urediti Uputstvom direktora.

Sadržaj SMS poruke

Igrač koji je poslao SMS poruku na broj telefona naveden u prethodnom stavu dobija povratnu poruku (zahtjev za potvrdu uplate - KOD 1) sa uputstvom za dalje postupanje i slijedećim sadržajem:

- ID# praćen je sa 22 karaktera-znakova (KOD 1), cijenu u zavisnosti od broja naručenih pomoćnih listića, broj telefona usluge te upozorenje o čuvanju poruke.

Igrač koji je izvršio potvrdu uplate (poslao SMS poruku koja sadrži KOD 1) na broj telefona naveden u prethodnom članu dobija povratne SMS poruke sa slijedećim sadržajem:

- Oznaka za redovno ili vanredno kolo, broj kola, bingo+ broj i naplatni kod (KOD 2) sa oznakom P praćen sa 20 karaktera-znakova.
- Poruka/e sa pomoćnim listićem kombinacije sadrži oznaku serije, 3 kombinacije sa po 15 brojeva, pri čemu je svaka kombinacija formirana u tri reda sa po 5 brojeva.

Član 55.

Igrač je dužan da sačuva SMS poruku koja sadrži KOD 1 radi identifikacije zahtjeva za učešćem u igri.

Na osnovu KODA 1 može se utvrditi na koji zahtjev igrač nije dobio odgovor.

Ukoliko igrač nije dobio poruku sa KOD-om 1, ima mogućnost da dostavi novu SMS poruku, kojom inicira postupak ostvarivanja učešća u igri.

KOD 2 je isključivi dokaz o učešću u igri i naplati dobitaka.

U slučaju da igraču ne bude isporučena SMS poruka koja sadrži KOD 2 koji je isključivi dokaz da igrač učestvuje u igri, a izvršena je naplata ukupne cijene za naručenu količinu pomoćnih listića, igrač može tražiti naknadnu isporuku ove SMS poruke. Ponovno dostavljanje neisporučene SMS poruke koja sadrži KOD 2, provodi se posredovanjem Help desk Priređivača, uz identifikaciju igrača putem KODA 1.

Član 56.

Za jednu uplatu putem SMS poruke mobilni operater igraču naplaćuje dvije poruke u skladu sa Cjenovnikom usluga u unutrašnjem i međunarodnom saobraćaju.

Član 57.

Uplate za učestvovanje u igri TV Tombola Bingo, Bingo Plus i Bingo Joker primaju se na uplatno prodajnim mjestima Priređivača, putem interneta, zastupnika, te putem SMS poruka.

8.1. PRIREĐIVANJE IGARA NA SREĆU PUTEM INTERNETA

Uslovi za učestvovanje u igrama TV Tombola Bingo, Bingo Plus i Bingo Joker putem interneta propisani su Procedurom o uplati igara na sreću putem interneta.

Uplate za učestvovanje u igrama TV Tombola Bingo, Bingo Plus i Bingo Joker putem interneta primaju se isključivo na internet stranici Priređivača, odabirom ponuđenih opcija za odigravanje i potvrdom uplate igre.

Pri uplati igara TV Tombola Bingo, Bingo Plus i Bingo Joker putem interneta, igraču su na raspolaganju opcije odabira odigravanja jednog ili više listića.

Elektronska potvrda (E-potvrda) je elektronski zapis potvrde o uplati koja se nalazi na elektronskom računu igrača u centralnom sistemu Priređivača. E-potvrda je isključivi dokaz za učestvovanje u igri onih igrača koji u istoj učestvuju putem interneta. E-potvrda učestvuje u onom kolu igre za koje je njen kompjuterski ispis zapisan na optičkom mediju.

Za uplate putem interneta, igrač mora izvršiti potvrdu željene transakcije.

Jednom izvršena transakcija uplate ne može se poništiti.

Za uplatu primljenu putem interneta:

- isplata svih dobitaka evidentira se na elektronskom računu igrača početkom isplate za pojedini dobitak;
- dobitak se umanjuje za iznos poreza na dobitke prije isplate na elektronski račun ukoliko isti podliježe tom porezu.

9. NAČIN, POSTUPAK I NADZOR IZVLAČENJA, ODNOSNO UTVRĐIVANJA DOBITAKA

Izvlačenje dobitaka

Član 58.

Javno izvlačenje u igrama TV Tombola Bingo, Bingo Plus i Bingo Joker nadzirat će Komisija za izvlačenje brojeva. Komisija se sastoji od tri člana od kojih je jedan član predstavnik Ministarstva finansija Federacije Bosne i Hercegovine.

Rad Komisije se utvrđuje posebnim Uputstvom koje donosi Priređivač.

Tehnikom izvlačenja brojeva rukuje ovlaštena osoba Priređivača, na osnovu Uputstva direktora.

Član 59.

U toku izvlačenja dobitaka vodi se zapisnik kojeg svi članovi Komisije potpisuju. Zapisnik mora sadržavati: mjesto, vrijeme, način izvlačenja dobitaka, uplatu u tom kolu, izvučene dobitne brojeve.

Zapisnik o izvlačenju Priređivač dostavlja Ministarstvu finansija u roku od sedam dana.

Utvrđivanje dobitaka

Član 60.

Dobitke, utvrđuje Priređivač a potvrđuje Komisija za utvrđivanje dobitaka u sastavu od najmanje tri člana. Članove Komisije imenuje Priređivač.

Rad Komisije za utvrđivanje dobitaka se utvrđuje posebnim Uputstvom, koje donosi Priređivač.

10. NAČIN OBJAVLJIVANJA IZNOSA UPLATE, FONDA DOBITAKA I REZULTATA IGARA

Član 61.

Izveštaj o uplati i fondu dobitaka pojedinog kola igara objavljuju se prije početka samog izvlačenja u direktnom TV prenosu.

Privremeni izvještaji o dobitcima u tekućem kolu objavljuju se nakon javnog izvlačenja a toku direktnog TV prenosa.

Član 62.

Privremeni izvještaj koji se objavljuje u jednoj od dnevnih novina sadrži najmanje ove podatke:

- redni broj kola;
- datum izvlačenja;
- izvučene brojeve po redoslijedu izvlačenja;
- broj dobitaka i iznos dobitaka po vrstama;
- iznos primljene uplate;
- nagradni fond;
- iznos fonda određen za pojedine vrste dobitaka;
- rok za prigovore;
- ostala obavještenja koja su potrebna igračima.

11. PRIGOVORI - REKLAMACIJE

Član 63.

Igrač može podnijeti prigovor Komisiji za utvrđivanje dobitaka u roku od četiri dana od dana objavljivanja privremenog izvještaja, a u skladu sa Procedurom za reklamacije.

Član 64.

Konačni izvještaj koji se objavljuje u jednoj od dnevnih novina sadrži najmanje ove podatke:

- redni broj kola i datum izvlačenja;
- iznos uplate i fond dobitaka;
- broj i iznos dobitaka;
- rok zastare isplate dobitka;
- uplatne brojeve potvrda opravdanih i neopravdanih prigovora;
- ispravke eventualnih greški predhodnog kola.

Konačni izvještaj potpisuje direktor Priređivača.

Privremeni i konačni izvještaj objavljuju se u jednom od sredstava javnog informisanja.

12. NAČIN I ROK ISPLATE DOBITAKA

Član 65.

Isplata dobitaka JackPot; Bingo; Bingo Plus sa 6 pogodaka obavlja se po konačnom izvještaju u sjedištu Priređivača.

Isplatu dobitaka:

- druge, treće i četvrte vrste TV Tombola Bingo;
- dobitaka sa dva, tri, četiri i pet pogodanih brojeva Bingo Plus;
- i dobitaka sa jedan, dva, tri, četiri i pet pogodanih brojeva Bingo Joker

se isplaćuju nakon objavljivanja Privremenog izvještaja na svim prodajnim mjestima Priređivača.

Isplata dobitaka u igri igrač-gost „Šansa više“ isplaćuje se na tekući račun u roku od pet dana od dana izvlačenja.

Ukoliko dobitnik ima više vrsta dobitaka u igrama TV Tombole Bingo, Bingo Plus, Bingo Joker i igri igrač-gost „Šansa više“, isplata dobitaka vrši se istovremeno, na isti način kao u stavu 3. ovog člana.

Isplatu svih dobitaka obavlja Priređivač u svom sjedištu, odnosno sjedištima regiona ili putem poslovnica banaka ovlaštenih za isplatu dobitaka.

Član 66.

Pri isplati dobitka igrač je dužan predati u ispravnom stanju potvrdu ili prezentovati SMS poruku sa naplatnim kodom (KOD 2).

Ispravna potvrda je ona koja sadrži sve elemente navedene u članu 52. i 54. ovih pravila.

Uz predaju potvrde igrač je dužan predati na uvid ličnu ispravu osobi koja obavlja isplatu, ako se radi o oporezivom dobitku.

Rok isplate

Član 67.

Isplata dobitaka zastarijeva u roku od 30 dana od dana objavljivanja konačnog izvještaja.

Neisplaćeni dobitci

Član 68.

Nakon isteka roka iz člana 67. ovih pravila, neisplaćeni dobitci se u skladu sa članom 39. Zakona o igrama na sreću prenose u fond neisplaćenih dobitaka.

13. NAČIN UPOZNAVANJA IGRAČA SA OVIM PRAVILIMA

Član 69.

Ova pravila će se objaviti u jednoj od dnevnih novina.

Član 70.

Ova pravila nalaze se na svim prodajnim mjestima Priređivača i web stranici Priređivača.

Priređivač je dužan omogućiti igračima upoznavanje sa ovim pravilima, odnosno dati ih na uvid.

14. POSTUPAK U SLUČAJU OTKAZIVANJA IZVLAČENJA

Član 71.

Termin direktnog izvlačenja može se promijeniti.

Priređivač može, saglasno sa članom 35. Zakona o igrama na sreću, iz opravdanih razloga otkazati zakazano izvlačenje.

15. KRAJNI ROK UPLATE ZA UČESTVOVANJE U IGRAMA

Član 72.

Uplate za učestvovanje u igrama primaju se do roka koji određuje Priređivač.

16. POREZ NA DOBITKE

Član 73.

Fizička lica, koja su ostvarila dobitak od igara na sreću, plaćaju porez u skladu sa Zakonom.

17. PRIJELAZNE I ZAVRŠNE ODREDBE

Član 74.

Priredivač je dužan čuvati zapise potvrda na neizbrisivom optičkom disku (DVD) najmanje dvije godine računajući od dana održanog izvlačenja određenog kola, osim u slučaju kada je pokrenut sudski spor radi ostvarivanja prava iz učešća u igri TV Tombola Bingo, Bingo Plus i Bingo Joker, te se tada zapisnici čuvaju do pravosnažnosti sudske odluke.

Član 75.

Za rješavanje sporova koji proisteknu iz učestvovanja u igri TV Tombola Bingo, Bingo Plus i Bingo Joker mjesno i stvarno je nadležan Općinski sud u Sarajevu.

Član 76.

Stupanjem na snagu ovih pravila prestaju da važe Pravila igre na sreću TV Tombola Bingo, Bingo Plus i Bingo Joker br.01-56-2242-4/15. od 15.02.2015.godine, br.01-62-717-9/16. od 31.03.2016. godine, br.01-8-2949-4/16. od 22.12.2016. godine.

Član 77.

Ova pravila stupaju na snagu i primjenjuju se narednog dana od dana objavljivanja u jednoj od dnevnih novina.

Broj: 01-12-650-7/17.
Dana: 29.03.2017. godine

P R E D S J E D N I K

Miroslav Ćorić, s.r.